

Սանահին, Միխայիլովկա, Ալլազվերտի, Հայրուս Բոլիս-Պաչեն, Սաղախլու, Դամիա, Շուլավեր եւն. : Դեկտեմբերի 24-ից սկսած, վրացիք մեծ ուժեր կենդրոնացնելով Սաղախլուի եւ Շուլաերի շրջանում, ճիշդ է, կանգնեցրին հայկական զորքերի առաջխաղացութիւնը, սակայն, մինչեւ Դեկտ. 27-ը չկարողացան ունէլ յաղթանակ տանել, որ թուլացնէր իրենց կրած պարտութիւնների տպաւորութիւնը: Դեկտեմբերի 27-ից մինչեւ 31-ը մեր զորքերը ձախ թեւի վրայ թուլանալով (չնորհիւ բժաւոր տիֆի, որով բռնուել էին հրամանատարական կազմի եւ զինուորների մեծ մասը) վրացիներին եւ Բորչալուի թիւրքերի ճնշման տակ, յետ քաշուեցին մի քանի առաջաւոր դիրքերից՝ Շուլաէր, Դամիա, Բոլիս-Պաչեն եւն. բայց կռուի գըլխաւոր թատերաբեմում՝ Սաղախլուի շրջանում՝ նրանք այնպիսի կատաղի դիմադրութիւն ցոյց տուին վրացիներին, որ վերջիններս հարկադրաբար պէտք է հրաժարուէին Լոռին վերադարձելու մտքից:

Դեկտեմբեր 31-ի զինադադարը եկաւ վաւերացնելու վրաց կառավարութեան ռազմական անյաջողութիւնների փաստը:

Այս անյաջողութիւնների տպաւորութիւնը վրաց հասարակութեան մէջ թուլացնելու եւ միաժամանակ նրա ռազմական տրամադրութիւնները հրահրելու համար՝ Ժորդանիայի կառավարութիւնը այլ միջոց չգտաւ, քան թէ Վրաստանում «հայկական վտանգի» առասպել հնարելը եւ վրաց ժողովրդի մէջ ազգայնական բնազդներ գրգռելը:

Վրաստանի հակահայկական հալածանքները, մանաւանդ պատերազմի առաջին շրջանին, այս պղտոր աղբիւրից էին առնում իրենց սնունդը: Եթէ կ'ուզէք, սա էլ մի տեսակ «պատերազմական անհրաժեշտութիւն» էր, յար եւ նման այն «անհրաժեշտութեանը», որ դրդեց երիտասարդ թիւրքերին, Սարիզամիշի խայտառակ պարտութեան պատճառով առաջացած ժողովրդական յուսալքութիւնը դարմանել հայկական տարադրութիւններով եւ կոտորածներով: Բայց մենք կարո՞ղ ենք, նման անհրաժեշտութիւններ հասկանալու կամ ըմբռնելու համար, Ժորդանիային եւ իր ընկերներին էն-վէրների եւ Թալէաթների շարքը դասել...

Թէեւ նոյնպէս պատերազմի հետ կապուած, բայց փոքր ինչ տարբեր բացատրութիւն ունին այն հակահայկական հալածանքները, որոնք տեղի ունեցան զինադադարից յետոյ: Վրաց կառավարութիւնը գիտէր, որ պատերազմի հաշուեկշիռը նպաստաւոր չէ իր համար: Լոռին դնացել էր ձեռքից — դա ոչինչ. որովհետեւ վրաց ժողովուրդը երբեք էլ Լոռին իրենը չէր համարել: Բայց կար եւ պատերազմական միւս կորուստների հարցը: Շուտով պիտի գերինների փոխանակութիւն կատարուէր եւ վրաց հասարակութիւնը պիտի տեսնէր, որ իրենց զորքերը մի քանի տասնեակ հայ ռազմազերիների փոխարէն հարիւրներով գերի են ընկել հայերի ձեռքը: Նա պէտք է վերահասու լինէր նաեւ, որ այդ զորքերը ահագին քանակութեամբ պատերազմական աւար են թողել հայերի ձեռքը՝ առանց ունէլ չօջափելի բան խելու նրանցից: Նման հաշուեկշիռով հանրային կարծիքին ներկայանալ՝ նշանակում էր փորձութեան ենթարկել կառավարութեան վարկը:

Եւ սհա, այս փորձութիւնից զերծ մնալու նպատակով, վրաց իշխանութիւնները ձեռնարկում են ռազմազերիների թիւր մեծացնելու եւ պատերազմական աւարը շատացնելու: Սրա համար առանձին ծանր աշխատանք չէր պահանջուում. հարկաւոր էր միայն Թիֆլիսն ու Վրաստանի միւս հայաշատ վայրերը պատերազմի դաշտ դարձնել, փողոցներում ու աներում հայ «ռազմազերիներ» որսալ եւ Վրաստանի հայութեան ստացուածքը այս կամ այն ձեւով թաւանի ենթարկել...

Հայ-վրացական պատերազմի կապակցութեամբ կատարուած հակահայկական հալածանքների երկրորդ բացատրութիւնը պէտք է որոնել Վրաստանի հայութիւնը նօսրացնելու եւ տնտեսապէս թուլացնելու այն քաղաքակա-նութեան մէջ, ինչպէս վերեւ տեսանք, որին, հետեւում էր Ժորդանիա-Րամիշլիլի կառավարութիւնը իր դոյութեան առաջին օրերից սկսած՝ վրաց շովինիստներին բաւարարութիւն տալու համար: Պատերազմը հարթել էր այս քաղաքականութեան ճանապարհը: Նրա իրականացման համար այլեւս կարիք չկար օրինական ձեւակերպութիւնների յետեւից ընկ-